

PVER IMPROBVS

I SCAENA PRIMA

Persōnae: *Iūlia, Mārcus, Quīntus.*

Iūlia cantat: "Lalla." Iūlia laeta est.

Mārcus: "St!" Mārcus laetus nōn est.

5 Iūlia cantat: "Lalla, lalla."

Mārcus: "Ssst!" Mārcus īrātus est.

Iūlia cantat: "Lalla, lalla, lalla."

Mārcus Iūliam pulsat.

Iam Iūlia nōn cantat, sed plōrat: "Uhuhū!"

10 Mārcus rīdet: "Hahahae!"



Quīntus Mārcum videt. Mārcus nōn videt Quīntum.

Quīntus: "Quid? Mārcus puellam pulsat — et rīdet!"

scaena

persōna



Iūlia plōrat

Mārcus rīdet

Quīntus Mārcum videt

Mārcus Quīntum nōn videt



Quīntus Mārcum pulsat
mamma = māter

Mārcus Quīntum pulsat
Iūlia Aemiliam vocat
Aemilia venit

interrogat ↔ respondet

cūr...? ... quia ...
eam : Iūliam

im-probus -a -um
↔ probus -a -um

Quīntus īrātus est et Mārcum pulsat! Iam nōn rīdet Mārcus. Mārcus īrātus pulsat Quīntum.

Iūlia: "Ubi est māter?" Iūlia Aemiliam nōn videt. 15
Iūlia Aemiliam vocat: "Māter! Mārcus Quīntum pulsat!"

Mārcus (īrātus): "St!" Mārcus Iūliam pulsat.
Iūlia plōrat et Aemiliam vocat: "Mamma! Mam-ma!
Mārcus mē pulsat!" 20
Aemilia venit.




SCAENA SECVNDA

Persōnae: Aemilia, Iūlia, Mārcus, Quīntus.

Aemilia interrogat: "Quis mē vocat?"
Quīntus respondet: "Iūlia tē vocat." 25
Aemilia Quīntum interrogat: "Cūr Iūlia plōrat?"
Quīntus respondet: "Iūlia plōrat, quia Mārcus eam pulsat."

Aemilia: "Quid? Puer parvam puellam pulsat? Fū!
Cūr Mārcus Iūliam pulsat?" 30
Quīntus: "Quia Iūlia cantat."
Aemilia: "Ō Iūlia, mea parva filia! Mārcus puer improbus nōn est; Mārcus est puer improbus!"

- Quīntus: "Iūlia puella proba est."
- 35 Aemilia Quīntum interrogat: "Ubi est Iūlius? Cūr nōn venit?" Aemilia Iūlium nōn videt.
- Respondet Mārcus: "Pater dormit."
- Quīntus: "Māter nōn tē, sed mē interrogat!"
- Aemilia: "St, puerī! Ubi est pater?"
- 40 Quīntus: "Pater nōn hīc est, sed Mārcus hīc est."
- Quīntus Iūlium vocat: "Pater! Pa-ter!"



cūr *Iūlius* nōn venit?



Quīntus Iūlium vocat

- Iūlius Quīntum nōn audit neque venit. Cūr Iūlius Quīntum nōn audit? Iūlius eum nōn audit, quia dormit.
- Mārcus: "Hahae! Pater dormit neque tē audit."
- 45 Aemilia: "Fū, puer!" Aemilia īrāta est. Māter filium verberat: tuxtax, tuxtax...
- Mārcus plōrat: "Uhuhū!"
- Iūlius eum audit. Iam nōn dormit pater.

ne-que = et nōn
(ne- = nōn)
eum : Quīntum
Iūlius dormit

verberat = pulsat et
pulsat ('tux-tax')

eum : Mārcum



SCAENA TERTIA

III

Persōnae: Iūlius, Aemilia, Iūlia, Mārcus, Quīntus.

50

Quīntus: "Pater venit."

Aemilia Quīntum nōn audit, quia Mārcus plōrat.

Iūlius Quīntum videt eumque interrogat: "Cūr Mārcus plōrat?"

Quīntus respondet: "Mārcus plōrat, quia māter eum verberat." 55

Iūlius: "Sed cūr māter Mārcum verberat?"

Quīntus: "Mārcum verberat, quia puer improbus est.

Mārcus parvam puellam pulsat!"

Iūlia: "Mamma! Pater hīc est." Aemilia Iūlium videt. 60

Aemilia: "Tuus Mārcus filius improbus est!"

Iūlius: "Fū, puer! Puer probus nōn pulsat puellam.

Puer quī parvam puellam pulsat improbus est!"

Iūlius īrātus puerum improbum verberat: tuxtax, tuxtax, tuxtax... 65

Mārcus plōrat. Quīntus laetus est et rīdet. Iūlia laeta

nōn est neque rīdet. Cūr nōn laeta est Iūlia? Nōn laeta

est, quia Mārcus plōrat. Iūlia est puella proba!

eum-que = et eum
(: Quīntum)

eum : Mārcum

māter Mārcum verberat,
quia Mārcus puer improbus est

Iūlia nōn laeta est



Puer rīdet. Puella plōrat. Quis est puer qui rīdet?

70 Puer qui rīdet est Mārcus. Quae est puella quae plōrat?

Puella quae plōrat est Iūlia.

Mārcus, qui puellam pulsat, puer improbus est. Pu-
ella quam Mārcus pulsat est Iūlia. Iūlia Aemiliam vocat.

Aemilia, quam Iūlia vocat, māter liberōrum est. Aemi-
lia puerum verberat. Puer quem Aemilia verberat est
75 Mārcus.

Quem vocat Quīntus? Quīntus Iūlium vocat. Iūlius,
quem Quīntus vocat, pater liberōrum est. Iūlius Quīn-
tum nōn audit. Quem audit Iūlius? Iūlius Mārcum
80 audit. Puer quem Iūlius audit est Mārcus.

Puella quae cantat laeta est. Puella quae plōrat nōn
est laeta. Puer qui puellam pulsat improbus est!

qui
quae
puer qui rīdet
puella quae plōrat

quem
quam
puer quem Aemilia
verberat
puella quam Mārcus
pulsat

quem? *Iūlium*
Quīntum

GRAMMATICA LATINA

Nōminātīvus et accūsātīvus

85 [A] Masculīnum.

Mārcus rīdet. Quīntus Mārcum pulsat.

Mārcus Quīntum pulsat. Quīntus plōrat.

'Mārcus' nōminātīvus est. 'Mārcum' accūsātīvus est.
'Quīntum' est accūsātīvus, 'Quīntus' nōminātīvus. Nōminā-
90 tīvus: *-us* (-r). Accūsātīvus: *-um*.

Exempla: Iūlius, Iūlium; filius, filium; puer, puerum; eum.

[B] Fēmīnīnum.

Iūlia cantat. Mārcus Iūliam pulsat.

Iūlia Aemiliam vocat. Aemilia venit.

95 'Iūlia, Aemilia' nōminātīvus est. 'Iūliam, Aemiliam' accū-
sātīvus est. Nōminātīvus: *-a*. Accūsātīvus: *-am*.

Exempla: puella, puellam; parva, parvam; eam.

nōminātīvus (*nōm*)
accūsātīvus (*acc*)

Mārcus Quīntus
Mārcum Quīntum

-us
-um

Iūlia Aemilia
Iūliam Aemiliam

-a
-am

			<i>Verbum</i>		
<i>cantat</i>			Iūlia <i>cantat</i> . Mārcus <i>rīdet</i> . Iūlius <i>dormit</i> .		
<i>rīdet</i>			'Cantat' verbum est. 'Cantat', 'rīdet', 'dormit' tria verba	100	
<i>dormit</i>			sunt.		
- <i>at</i>			Exempla: <i>cantat</i> , <i>pulsat</i> , <i>plōrat</i> , <i>vocat</i> , <i>interrogat</i> , <i>verberat</i>		
- <i>et</i>			(- <i>at</i>); <i>rīdet</i> , <i>videt</i> , <i>respondet</i> (- <i>et</i>); <i>dormit</i> , <i>venit</i> , <i>audit</i> (- <i>it</i>).		
- <i>it</i>					
			<i>Nōminātīvus:</i>	<i>Accūsātīvus:</i>	<i>Verbū:</i>
			Mārcus	Iūliam	pulsat.
- <i>us</i>	- <i>um</i>	- <i>at</i>	Quīntus	Mārcum	videt.
- <i>a</i>	- <i>am</i>	- <i>et</i>	Iūlia	Aemiliam	vocat.
	eum		Aemilia	Quīntum	interrogat:
	eam		"Quis	mē	vocat?"
	mē		Quīntus		respondeat:
	tē		"Iūlia	tē	110 vocat.
			Mārcus	eam	pulsat."
			Aemilia	puerum	verberat.
			Mārcus		plōrat.
			Iūlius	eum	audit.
			Iūlius		115 venit.
			"Puer probus	parvam puellam	nōn pulsat!"
			Iūlius īrātus	puerum improbus	verberat.

PENSVM A

Cūr Mārc- Iūliam pulsat? Mārcus Iūli- pulsat, quia Iūli- cantat. Iūlia plōr-, quia Mārcus e- pulsat. Iūlia: "Mamma! Mārcus — pulsat." Aemilia puell- aud- et ven-. Māter Quīnt- videt et e- interrog-: "Quis mē voc-?" Quīnt- respond-: "Iūlia — vocat."

Iūlius dorm-. Quīntus Iūli- voc-: "Pater!" Mārcus rīd-, quia Iūli- nōn venit. Aemilia Mārc- verber-. Iūlius ven-, quia Mārc- plōrat. Iūlius Aemili- et Mārc- et Quīnt- et Iūli- videt. Iūlius: "Puer qui parv- puell- pulsat improbus est." Iūlius puer- improb- verberat. Quem Iūli- verberat? Puer qu- Iūlius verberat est Mārcus. Mārcus plōr-. Puer qu- plōrat laet- nōn est. Puella qu- cantat laet- est.

PENSVM B

Puella —: "Lalla." Puella — cantat est Iūlia. Iūlia — est.
 Puer improbus puellam —. Puella —: "Uhuhū!" Puer —:
 "Hahahae!" Puer — rīdet est Mārcus. Iūlia Aemiliam —:
 "Mamma!" Aemilia —, et Quīntum —: "Cūr Iūlia plōrat?"
 Quīntus —: "Iūlia plōrat, — Mārcus eam pulsat." Aemilia:
 "Mārcus puer — nōn est, puer — est! Ubi est pater?" Aemilia
 Iūlium nōn —. Quīntus: "Pater nōn — est." Quīntus Iūlium
 —: "Pater!" Iūlius Quīntum nōn —. — Iūlius Quīntum nōn
 audit? Iūlius eum nōn audit, quia —. Mārcus plōrat, — Ae-
 milia eum verberat. Iūlius Mārcum audit; — Iūlius nōn dor-
 mit. — Aemilia verberat? Aemilia Mārcum —. Puer — Ae-
 milia verberat improbus est. Iūlia laeta nōn est — rīdet.

PENSVM C

Quis Iūliam pulsat?
 Cūr Iūlia plōrat?
 Quīntsne quoque Iūliam pulsat?
 Quem Quīntus pulsat?
 Cūr Aemilia venit?
 Quis Iūlium vocat?
 Cūr Iūlius Quīntum nōn audit?
 Quem audit Iūlius?
 Cūr Mārcus plōrat?
 Rīdetne Iūlia?
 Num 'Mārcus' accūsātīvus est?
 Num 'Iūliam' nōminātīvus est?
 Quid est 'dormit'?

Vocabula nova:

scaena	
persōna	
mamma	
laetus	
īrātus	
probus	
improbus	
cantat	
pulsat	
plōrat	
rīdet	
videt	
vocat	
venit	
interrogat	
respondeat	
dormit	
audit	
verberat	
mē	
tē	
eum	
eam	
neque	
iam	
cūr?	
quia	
ō!	
hic	
qui	
quae	
quem	
quam	
nōminātīvus	
accūsātīvus	
verbum	